

## Universitätsbibliothek Paderborn

### **Lignum Vitae, Ornamentum, & Decus Ecclesiæ**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Alij Sancti & Viri Illustres, qui putantur Ordinis Camaldulensis. cap. XXVII.

**urn:nbn:de:hbz:466:1-38372**

*Alij Sancti & Viri illustres, qui putantur Ordinis Camaldulensis.* Cap. XXXVII.



RÆFATOS omnes accepimus partim ex vita S. Romualdi Abbatis, a S. Petro Damiano cōscripta; partim ex descriptione S. Eremi, a Siluano Razzo Florentino, & Andrea Mugnotio Hispano, historijsque Camaldulensium Augustini Fortunij Florentini; & catalogis duobus MS. Sæctorum, & Beatorum huius Ordinis, a Donno Seuero Monacho S. Marci Mantuæ Ord. Camald. mihi amicissimo & familiarissimo, ad me transmissis; In quibus catalogis, ut & in historijs similiter Camaldulensis, de scripti & anumerati erant, pro monachis, Episcopis, Sanctis, & Beatis præfati Ordinis, Episcopi. 10. ex Monasterio S. Crucis de Auellana assumpti: S. Bonifacius, Monachus S. Alexij Roma: & Episcopus Rusorum: SS. Ioannes, Benedictus, Matthæus, Isaac, Christinus, & Barnabas, Monachi partim S. Alexij, & partim Brounouientes in Boemia: S. Ioannes Gualbertus Monachus S. Miniati Florentiae: S. Ioannes Gradenicus, Monachus S. Michaelis de Cusano in Vaconibus, & deinde primus Abbas S. Georgij Maioris Venetiarum: S. Guarinus Abbas, & S. Petrus Vrseolus quondam Dux Venetiarum, & S. Michaelis de Cusano Monachus sub Guarino Abbatte: S. Petrus Damianus S.R.E. Cardinalis Monachus & Abbas S. Crucis de Auellana: & Olibanus Comes, monachus Montis Casini: quos omnes de industria prætermisimus, quamvis sciamus S. Romualdi contemporaneos, maioriq[ue] ex parte discipulos eius fuisse, quod, ut ex libris Ioannis Trittemij Abbatis de vir. Ill. Ord. S. Ben. Bonfinio in historijs Vngaricis; Ioanne Dubranio in Boemis; Petro Damiano in vita S. Romualdi; Léone Ostiensis in Chronicis Casinensis; Carolo Sigonio de Régno Italiae; quibusdam scriptoribus rerum Veneticarum; & alijs permultis, certo certius appareat antedictos omnes, numquam Albo, sed Nigro amictos colore fuisse; eorumq[ue] plures diem obiisse, priusquam S. Romualdus de mutatione habitus cogitatet. His paucis prælibatis ad scriptores Ecclesiasticos posteris notificandos accedimus.

Eccle-